



I avversars da Perca mostra na bela prestaziun sön le ciamp a La Val mo se fej sciampé ite bëgn dui iadi le palé te porta dai padruns de ciasa.

Do avèi lascé sön trù punc importanc tles ultimes trèi partidas à La Val reagí cuntra le Perca, mostran determinaziun a defënn le vantaje arjunt dl pröm tēmp. Purmò ala fin dla partida mēt i ladins al sigü la devēnta.

En pröm tēmp asuié por La Val, che favorësc le jüch dl Perca cun pücia konzentrasiun y agresivité. I avversars davagna n grüm de contrasc y le tēgn alt tl mezciamp ladin. Tratan la pröma cherd'ora pëia ia n grüm de trates cuntra porta, gran protagonist é le portier Sepl che ne pormēt nia le vantaje. Al 20[^] röia Franz da na pert ite y preparëia le palé por la trata debla de Samuel che röia tles mans dl portier. Fora de n sarëgn vëgn püch do arlungé le palé cuntra porta, le portier pro de antizipé mo se fej sciampé le curan, l'atacant Alexander é chilò asvelt da rové lassura por apogé te porta y porté le vantaje. Spetacolara la parada de Sepl al 40[^] canche na crossada vëgn rebatüda de cé cuntra porta, le numer un ladin deloj chiló te ciantun cun les pizes di dëic.

Le pröm tēmp se stlūj jö sön le 1 a 0 por La Val.

Le mēteman dl secundo tēmp ne é nia damì co le pröm, La Val subēsc de vigne sort de ripartēzēs, bëgn dui iadi é la defenjiun fora de posiziun se fej sciampé i asvelc atacanc pustri cuntra porta. Ciamó n iade é Sepl che ne ti lascia nia concretisé l'aziun. Al 60^a se fej Franz lerch dassú cuntra porta, la trata dal limit rōia indere amez por le portier. La sotituziun cun sogadusc frēsc ti da n gran aiūt ala squadra che tēgn sō i palēs dant y fej insciö trà le flé ai cumpagns. A stlū jö definitivamēnter la devēnta é Samuel Winkler al'ultim menüt. Le palé arlungé cuntra porta vëgn abiné dal'atacant che pro le palonèt sura le portier fora, chēsc garetà y fej sciurè l'arbiter la fin di nonanta menüc. Na devēnta asuiada por La Val che se porta insciö al terzo post de tlassifica a dui punc dal Mühlwald.

La Val – Perca 2-0

Formaziun La Val: 1. Josef Kantioler, 2. Marco Sottara, 3. Werner Sottara, 4. Paolo Vallazza, 5. Marco Castlunger, 6. Christian Dapoz, 7. Franz Tolpeit, 8. Max Nagler (dal 70^a Luca Pescollderung), 9. Samuel Winkler (dal 90^a Martin Ploner), 10. Stefan Sottara - capitan, 11. Alexander Miribung (dal 75^a Felix Nagler)

Goi Por La Val: Alexander Miribung al 25[^] y Samuel Winkler al 89[^]

Proscima partida: *In sabeda ai 6 de mà dales 16:30 a Prettau cuntra la squadra de ciasa.*

Atri resultac:

Juniores (Val Badia): Kiens – Val Badia: 1-4

Allievi (La Val): La Val – Gherdëina: 2-3

Giovanissimi (La Val): Feldthurns – La Val: 6-2

U11 (La Val/San Martin): Mareo – La Val: 1-2

U8 (La Val) – torné a La Ila: La Val – Alta Badia: 4-0 / La Val – Burnech vërd: 3-0

